



# Կ ա ն թ ե Ղ

## Բավրայի հայ կաթողիկէ երիտասարդական միութեան թերթ

Սիրելի՛ ընթերցող, մեր երիտասարդներին՝ն է վիճակված լինելու համայնքում եւ հասարակութեան մեջ դրական փոփոխութեաններէ առաջամարտիկները, որովհետեւ նրանց մեջ կա հույս, վստահութիւն՝ Աստծո, սեփական ուժերի եւ ապագային հանդեպ: Ձեր երիտասարդներին Աստված օժտել է ստեղծագործելու, զարգանալու, սիրելու անսահման կարողութեամբ, որն անպայման դրսեւորվելու եւ աճելու է Երկնքի Արքայութեան սերմի նման, որի մասին խոստում է մեր Տեր Հիսուս Քրիստոսը:

«Նրանց մի ուրիշ առակ էլ պատմեց եւ ասաց. «Երկնքի Արքայութիւնը նման է մանանեխի հատիկի, որը մի մարդ վերցրեց ու սերմանեց իր արտի մեջ: Այն բոլոր սերմերից ավելի փոքր է, բայց երբ աճում է, բոլոր բույսերից ավելի մեծ է լինում եւ ծառ է դառնում՝ այն աստիճան, որ երկնքի թռչունները գալիս եւ հանգստանում են նրա ճյուղերի վրա», Մտթ. 13, 31-32





**Բավրայի երիտասարդները մասնակցեցին  
«Կամավորների միջազգային օր»  
միջոցառմանը՝ որպես Հայկական Կարիտասի  
կամավորներ**

**«Ձրի առաք, ձրի էլ տուէ՛ք»**

**Մի՛ ունեցէք ոչ ոսկի, ոչ արծաթ եւ ոչ էլ պղինձ  
դրամ՝ ձեր գոտիների մէջ, ոչ պարկ՝ ճանապարհի  
համար, ոչ երկու զգեստ, ոչ կոշիկներ եւ ոչ էլ ցուպ,  
որովհետեւ մշակն արժանի է իր կերակրին»,  
Մտթ. 10, 8-10**



Գեկտեմբերի 5-ը «Կամավորների միջազգային» օրն էր, որը հաստատվել է ՄԱԿ-ի կողմից՝ 1985թ.: Առավել ստույգ, այն կոչվում է «Կամավորների միջազգային օր՝ տնտեսական եւ սոցիալական զարգացման համար» եւ նպատակ ունի աշխարհի տարբեր երկրներում գործող կազմակերպություններին, որտեղ աշխատում են կամավորներ, եւ անհատ կամավորներին, հնարավորություն ընձեռել՝ առավել խթանելու կամավորությունը տեղական եւ միջազգային մակարդակներում, կառավարություններին հրավիրել ճանաչելու կամավորության կարեւորությունը՝ երկրների զարգացման համար: Այլ խոսքով, սա մի օր է, որը կոչված է ուշադրության կենտրոնում պահելու կամավորներին եւ կամավորության գաղափարի կարեւորությունն ընդհանրապես:

«Հայկական Կարիտասը», լինելով քրիստոնեական սկզբունքներով առաջնորդվող կազմակերպություն, մշտապես իր ծրագրերում հնարավորություն է ստեղծում կամավորների

լայն ընդգրկման, նաեւ համայնքներում կամավորության խթանման համար: Հետեւաբար, Կամավորների միջազգային տոնն ամեն տարի նշելը Հայկական Կարիտասի համար կարեւոր է: Այս տարի տոնը նշելու համար, Գյումրիում հավաքվել էին Հայաստանի տարբեր մարզերում Կարիտասի կողմից իրականացվող ծրագրերում այս կամ այն ձեւով աշխատող եւ ներդրում ունեցած 60 երիտասարդ կամավորականներ:

Այս անգամ մասնակիցների թվում էին նաեւ Բավրա համայնքի Հայ կաթողիկէ երիտասարդական միութեան տասը անդամներ, ովքեր եւս իրենց ծառայությունն են բերել կազմակերպության համայնքային ծրագրերի իրականացմանը, մասնավորապես, սննդօգնության բաշխման մեջ, «Մխական հասարակական խորհուրդներ» ծրագրի շրջանակներում մշակելով եւ իրականացնելով համակարգչային հիմնական ծրագրերի դասընթացը:



Միջոցառումը նախաձեռնել էր Հայկական Կարիտասի կամավորականների կորպուսի համակարգող Լիլիթ Մայլամյանը: Մասնակցում էին կազմակերպության տնօրեն Գագիկ Տարասյանը, Շահերի պաշտպան Քրիստինե Մխիթարյանը, Հոգեւոր խորհրդատու Տ. Հովսեփ Բհն. Գալստյանը, Հասարակական կապերի մասնագետ Արմենուհի Մխոյանը, էմիլի Արեգակ սոցիալական կենտրոնի տնօրեն Տիգրանուհի Հակոբյանը:

Նախ երիտասարդներին իր շնորհավորանքի խոսքն ուղղեց Գագիկ Տարասյանը՝ կարեւորելով



կամավորների լուրջ ներդրումը կազմակերպության ծրագրերի իրականացման գործում, ինչն իրականություն է արդեն 25 տարի եւ շատ գնահատելի է բոլորի կողմից: Առանց կամավորների աշխատանքի, շատ ծրագրեր հնարավոր չէր լինի իրականություն դարձնել:

Լիլիթ Մայրամյանը մի քանի կամավորականների խրախուսական նվերներ հանձնեց եւ անկացրեց գիտելիքների մրցույթ:

Տ. Հովսեփի Քհն. Գալստյանը համառոտ խոսեց «կամավորության քրիստոնեական ընկալումը թեմայով»՝ նախ շեշտելով, որ կարեւոր է ավելի հաճախ ստեղծել այսպիսի միասնական հանդիպումների հնարավորություններ եւ ասաց, որ մտադիր է առաջիկայում առաջարկել դասընթացի ձեւաչափով մի հանդիպում՝ կարիտասի բոլոր կամավորականների համար՝ ընդգրկելով նաեւ համայնքների երիտասարդներին: Նա շեշտեց, որ կամավորությունը խթանելու կարեւոր ճանապարհներից մեկը միասնականություն է եւ փորձառություն, ձգտումների կիսումը, փոխադարձ հարստացումը:

«կամավորության քրիստոնեական իմաստը ճիշտ հասկանալու եւ այն ճիշտ գործադրելու համար մենք պետք է հասկանանք դրա արմատը: Իսկ արմատը պետք է փնտրել նախ առաջ Ավետարանում, որովհետեւ Քրիստոսն ինքը եղավ առաջին կամավորը, որ ոչ միայն իր ժամանակը, իր կարողությունները, այլեւ իր կյանքը տվեց ամբողջ մարդկության համար՝ դրանով իսկ յուրաքանչյուրը մարդ արարածի համար դառնալով կամավոր նվիրումի ամենաառանցքային, բարձրագույն եւ անկրկնելի օրինակը: Անկրկնելի՝ այն իմաստով, որ յանձին Հիսուս Քրիստոսի, Աստված Ի՛նքը զոհաբերվեց մեզ համար, Աստված իր կյանքը կամովին դրեց զոհասեղանին՝ մարդու համար, եւ գառան պես մորթվեց, որպեսզի մարդուն ազատագրի մեղքի կապանքներից, բոլոր սահմանափակումներից եւ տա կամավոր նվիրումի գերագույն այնպիսի մի օրինակ, ինչպիսին չէր կարող տալ ոչ մի մարդկային արարած: Քրիստոսի օրինակի լույսի ներքո

«կամավորություն» հասկացությունը քրիստոնյայի համար նույնական է դառնում «կատարյալ նվիրում», «ինքնազոհաբերություն» եւ «սեր» հասկացություններին, որոնք Քրիստոսի Անձի, կերպարի մեջ նույն իմաստն ունեն եւ արտահայտվում են նույն կերպ: Այս իմաստով քրիստոնյաներիս համար լինել կամավոր՝ նշանակում է նախեւառաջ նմանվել Քրիստոսին, ունենալ անձական երկխոսության, մտերմության փորձառություն՝ Հիսուս Քրիստոսի հետ: Առանց այսպիսի փորձառության, «կամավորության» մեր ընկալումը կլինի հիմքից կտրված եւ, ըստ էության, աննպատակ»։բացատրեց Տ. Հովսեփը:



Քահանան երիտասարդներին հարց ուղղեց՝ մտածելու սեփական կամավորական աշխատանքի պատճառի եւ նպատակի մասին, լսեց մի քանի պատասխաններ եւ խոսքն ամփոփեց Մայր Թեոբեզայի խոսքերով:

«Տո՛ւր աշխարհին քո ունեցած ամենալավը, եւ մարդիկ կփշրեն քո ատամները, բայց տո՛ւր աշխարհին քո ունեցած ամենալավը ամեն դեպքում»:

Միջոցառման երկրորդ հատվածը տոնական, ժամանցային տրամադրությամբ լեցուն էր՝ համերգային ծրագրով եւ միասնական ճաշով, թխվածքաբլիթով:

### Սուրբ Ծննդյան տոնական բեմադրութիւնը



«Նա, ով պահում է աշխարհը, դրվեց մսուրի մեջ, Աստծո խոսքը եղավ մի անխոս Մանուկ: Նրան, ում Երկինքը չի տեղավորում, կինը կրեց իր կրծքի տակ: Կույսը իշխեց մեր Թագավորին, Կույսը կրեց Նրան, ում մեջ մենք գոյութիւն ունենք, Կույսը կերակրեց Նրան, ով մեր Հացն է: Օ՛ր անկհայտ թուրութիւն՝ եւ հրաշալի խոնարհութիւն, Ում մեջ քողարկվեց ամբողջ Աստվածութիւնը... Թող Նա, ով շարհամարհեց մեր փոքրութիւնը, կատարյալ դարձնի իր գործը մեր մեջ, եւ թող Նա, ով կամեցավ մեր միջոցով դառնալ Մարդու Որդի, մեզ դարձնի Աստծո որդիներ», Օգոստինոս, քարոզ 184:

Սուրբ Ծննդյան տոնի առթիւ, 2019թ. դեկտեմբերի 24-ին, Ճրագալույցի Սուրբ Պատարագից հետո Բավրայի երիտասարդական միութիւնը համայնքային կենտրոնի երիտասարդական սրահում բեմադրեց մի սցենար, որը կոչեցինք «Սուրբ Ծննդյան հրաշք՝ Սաթենիկի համար»: Պատմվում է այն մասին, որ Սաթենիկ անունով մի աղջիկ ապրում է սոցիալական բարդ պայմաններում, ծնողները անդրնդհատ վիճում են այդ պատճառով, իսկ Սաթենիկն աղոթում է Սուրբ Կույսին եւ օգնութիւն խնդրում, ապա գտնում է Հիսուս Մանկան մի կոտրված արձանիկ եւ որոշում Հիսուս Մանկան մսուրը պատրաստել հյուսաստեղյակում, մի սովորութիւն, որ

մոռացվել էր իրենց տանը: Սաթենիկն աղոթում է եւ խնդրում, որ իրենց ընտանիքում խաղաղութիւն տիրի: Ի վերջո, Հիսուս Մանուկը կատարում է Սաթենիկի համար մի գեղեցիկ հրաշք:

### Սուրբ Ծննդյան հրաշք՝ Սաթենիկի համար Սցենար



#### Հեղինակ.

Ողջուն՝ն սիրելի հանդիսատես, մենք ուզում ենք ձեր ուշադրութեանը ներկայացնել մի բեմադրութիւն՝ մեր իրականութեան մասին, որտեղ նկարագրում ենք մի աղջկա պատմութիւն, որի ընտանիքն ապրում է սոցիալական բարդ պայմաններում, որտեղ, թվում է, թե չկա հույս, չկա վստահութիւն՝ ապագայի նկատմամբ, այլ կա միայն ծանր, քիչ վարձատրվող աշխատանք, մարդկային լարված հարաբերութիւններ, վեճեր: Մենք ուզում ենք ցույց տալ, որ այսպիսի պայմաններում եւս հնարավոր են հրաշքներ եւ, մանավանդ, Սուրբ Ծննդյան հրաշքներ:

#### Պատկեր 1

#### Վեճ՝ ծնողների միջեւ

Մի սենյակ է, որտեղ ծնողները նստած են սեղանի շուրջ եւ վիճում են միմյանց հետ:

Մայրը.



-Մինչեւ ե՞րբ է այսպէս շարունակվելու, մինչեւ ե՞րբ, ախր հասկացի՛ր, չի կարելի, հա՛, գիտեմ, չես կարողանում, դժվար է, ա՛խ այդ հիվանդութիւնը... բայց մի՛ մոռացիր մեր աղջկան, մեր Սաթենիկին, խեղճն ամբողջ օրը դասերն է սովորում եւ նորմալ չի սնվում, չնայած ուտելու բան պիտի լինի, որ ուտի, նրա մանկութիւնը մեր ամենօրյա կռիվների ու վեճերի մեջ է անցնում... Շուտով Սուրբ Ծնունդ է, գոնէ այս տարի կարողանանք մի նվեր գնել նրա համար:

**Հայրը.**

-էլի՛ նույն պատմութիւնը, էլիզա՛: Ի՞նչ, ի՞նչ ես ուզում, կհասկանաս երբեւէ՞ չեմ կարող երկար աշխատել, լավ վճարող էլ չկա, ինչքան ուզում ես լավ նվազի, դու դա ինձանից լավ գիտես: Համ էլ դու ինձանից շատ ես գումար վաստակում, հազիվ կարողանում ենք տան վարձն ու կոմունալները մուծել, մենք հացի փող չունենք, իսկ դու նվեր ես ուզում, ի՛նչ նվեր, ո՛չ մի նվեր, վաղն էլ կասես ամանորյա սեղան, խոզի բուրդ, Ձմեռ պապ, Ձյունանուշ, ամանորյա ճամփորդութիւն, ահաա, հոգնել եմ արդեն էս հեքիաթներից, վե՛րջ:

-էդուա՛րդ, ես հասկանում եմ, որ դժվար է քեզ համար, հա՛, մենք երկուսս էլ առողջական խնդիրներ ունենք, ինձ համար էլ է դժվար, ոտքերս... ի տարբերութիւն քեզ, հարգելի՛ս, ես ամեն հնարավոր քայլի դիմում եմ, բայց հասկացի՛ր վերջապէս, երկու օրը մեկ աշխատելը քիչ է մեզ համար, մեզ գումար է պետք, գոնէ այս խղճուկ տնակից դուրս գալու համար:

-Վա՛յ դե գզվացրիր արդեն, տուն մտած- չմտած սկսե՛ց, ամեն օր նույն բանը, հասկացա՛նք էլի, էդքան մտահոգվում ես հա՞, դե ինքդ էլ աշխատիր, գիշերները տուն մի արի, մուրացկանութիւն արա, չգիտեմ, դա արդեն քո գործն է, իսկ հիմա գնա՛, թո՛ղ քնեմ:

-Վե՛ր կաց մի հատ էդ դիվանից, ուրիշ գործ չունես չէ՞, Մեծն էդգար, վե՛ր կաց, գնանք աշխատանքի, իմ աշխատավայրում բանվորի թափուր աշխատատեղեր կան մի քիչ բարձր աշխատավարձով, փա՛ռք Աստծո, կարողացա համոզել տնօրենին քեզ համար:

-Երանի չէր չլսեի, էդ էր մնացել պակաս, որ էդոյի կնիկը էդոյի համար գործ գտնի, պահ պահ պահ, մի սրան նայեք, ի՛նքը, իրա արա՛ծը, խայտառակ ենք լինելու, ես գիտեմ:

-Դու մեր էրեխու մասին մտածի, էս տարի էլ առանց նվեր, առանց անակնկալ, փոխարենը, ինչպէս միշտ, կռիվներ, վեճեր, ու ամեն օր...



-Աղջի՛կ ջան, դու չե՞ս հասկանում թե չե՞ս ուզում հասկանալ, քանի անգամ պիտի ասեմ, վա՛յ, եթե մի ավելորդ բառ էլ լսեցի...

-Ի՞նչ, ի՞նչ ես անելու, խփելու՞ ես, թե խփի, ու՞մ ես սպասում...

-էլիզա՛...

**Պատկեր 2,**

**Սաթենիկը**

Սենյակում նստած է նրանց աղջիկը՝ Սաթենիկը, ցրտից դողացող ոտքերի վրա դրված էր Աստվածամոր եւ Հիսուս Քրիստոսի բավական մեծ, բայց միեւնույն ժամանակ հնամաշ նկարը, որի վրա կաթիլ-կաթիլ թափվում էին նրա արցունքները: Նա ձեռքերով փակել է իր ականջները, որ ոչինչ չլսի: Դեմքը լարված է եւ տխուր:

Հեղինակ.



Կողքի սենյակում միայնակ, տխուր ու լուռ, մի գորշ անկյունում նստած էր նրանց յոթնամյա աղջնակը՝ Սաթենիկը, նա ոչինչ չէր ուզում լսել, հոգնել էր ամեն օր լսել, թե ինչպես են վիճում իր ծնողները: Նա նույնիսկ չէր ուզում մտնել հյուրասենյակ ու տաքանալ, իսկ իր սենյակում շատ ցուրտ էր: Նա պարզապես չգիտեր՝ ինչ անել, լավագույն բանը, որ կարող էր, աղոթելն էր:

**Սաթենիկ.**

-Սուրբ Կու՛յս, ես ամեն օր աղոթում եմ, ամեն ժամ, Վարդարան եմ աղոթում, բայց Դու, Դու երեւի ինձ չես լսում, կամ էլ, չես ուզում լսել: Ես հավատում եմ Քեզ, գիտեմ, որ մի գեղեցիկ օր լսելու ես ինձ, կատարելու ես խնդրանքս... ծնողներս ամեն օր վիճում են, շատ հաճախ նաեւ իմ պատճառով, խնդրում եմ Քեզ եւս մի անգամ՝ բուժի՛ր նրանց, լավ աշխատանք տուր նրանց, խաղաղեցրո՛ւ նրանց հոգիները եւ այնպե՛ս արա, որ չվիճեն, ես վախենում եմ... չեմ ուզում ծնողներիս ամեն օր այսպես տեսնել, գիտե՛ս՝ նրանք շատ լավն են, բարի, շա՛տ եմ սիրում նրանց, խնդրում եմ, հուշի՛ր ինձ, թե ինչպես վարվեմ, օգնի՛ր ինձ, ես վստահում եմ Քեզ...

-Հայր մեր...

-Ողջուն քեզ, Մարիամ...

Միգուցե, նրանց հետ միասին, նրանցից թաքուն ե՞ս էլ աշխատեմ, ծնողներս ամեն ինչ անում են ինձ համար, ես էլ պետք է նրանց օգնեմ, այո՛, այդպես ավելի լավ կլինի: Ի՞նչ անել, կամ մի բան վաճառեմ իմ հին խաղալիքներից:

Սաթենիկը սկսում է բացել իր սենյակի դարակները եւ փնտրել խաղալիքներ: Հանկարծ, դարակը բացելով, տեսնում է մսուրի մեջ դրված Հիսուս մանկան կոտրված արձանիկը, վերցնում է ձեռքը, երկար նայում՝ տեղում քարացած, հետո գրկում է, սեղմում կրծքին եւ ուրախանում: Ապա, տեսնելով, որ հյուսասանյակում ոչ ոք չկա, մտնում է եւ Հիսուս մանկան արձանիկը դնում է պատուհանագոգին՝ մի տեսանելի տեղ, մսուրի մեջ, համբուրում է արձանիկը, ծունկի է գալիս եւ աղոթում բարձրաձայն:

**Սաթենիկ.**

-Սիրելի՛ Հիսուս, քո այս արձանիկը կոտրված է, բայց ես այն շատ եմ սիրում: Հիշում եմ, որ մի անգամ հարեւանի տղան անգգուշութամբ կոտրեց այն, ես շատ լաց եղա, բայց հայրիկս կպցրեց քո արձանիկը եւ տվեց ինձ, հիշո՛ւմ եմ, որ գրկեցի եւ համբուրեցի քեզ՝ կարոտած: Ես գիտեի, որ դու ուրախ ես, որ մենք քո արձանիկը սարքեցինք: Երբ այն դնում էինք տոնածառ տակ, այդ տարին լավ էր սկսվում, մի հայրիկն ու մայրիկը չէին վիճում գոնե Սուրբ Ծննդյան եւ Ամանորի օրերին, եւ ես վստահ էի, որ Դու ես օգնում նրանց, որ չվիճեն: Հետո, երբ մեր տոնածառը կոտրվեց, քո այս փոքրիկ արձանիկն այլեւս չէին դնում հյուրասենյակում: Ես ուզում եմ, որ դու այստեղ լինես այս Սուրբ Ծննդյան տոնին, որ կլինի վաղը երեկոյան, ես քեզ շա՛տ եմ խնդրում, իմ Հիսու՛ս, այնպես արա՛, որ ծնողներս չվիճեն մեր աղքատություն, աշխատավարձի կամ իմ նվերի պատճառով: Իմ ամենամեծ նվերն այս Սուրբ Ծննդյանը կլինի նրանց ուրախ եւ խաղաղ տեսնելը: Խնդրում եմ, այնպես արա՛, որ գոնե վաղը երեկոյան, մեր տանը ուրախ լինի եւ իմ ընկերները, մեր հին բարեկամները գան մեր տուն: Խնդրո՛ւմ եմ, մի հրաշք կատարի, ես հավատում եմ, որ դու կարող ես դա անել, իմ սիրելի՛ Հիսուս: Սուրբ Կու՛յս, դու էլ, խնդրում եմ, օգնի՛ր ինձ եւ խնդրիր քո Որդուն: Սուրբ Հովսե՛փ, դու էլ օգնիր, խնդրում եմ:

Սաթենիկը դարձյալ համբուրում է Հիսուսի արձանիկը, թողնում է այն պատուհանագոգին եւ դնում սենյակից:

**Պատկեր 3**

**Հուլյս**

**Հեղինակ.**

Դեկտեմբերի 24-ն էր՝ Սուրբ Ծննդյան նախօրեն, երեկո էր, մութն ընկնելու վրա էր, դրսում սառնամանիք: Սաթենիկը չէր ուզում տուն գնալ, այլ քայլում էր այդու ծառուղում: Փչում էր սառը քամին, որ գետնից սրբում էր սառած ձյունը եւ խփում աղջկա արտասովառան դեմքին: Նրա մատները արագ-արագ շարժվում էին Վարդարանի հատիկների վրայով, իսկ



շուրթերը անդադար աղոթք էին շնչում: Սաթենիկը հանկարծ վեր նայեց ու աստղագարդ սառը երկնքում տեսավ մի մեծ շողշողուն աստղ եւ իր համար անհասկանալի պատճառով շատ ուրախացավ:

Երկինքը եւ աստղը երեւում են պատին՝ պռոյեկտորով: Սաթենիկը քարացած՝ նայում է աստղին:

Նա հանկարծ ինչ-որ բան հիշեց ու քայլերն ուղղեց դեպի տուն:



Իր սենյակ մտնելով՝ նա իր դարակից վերցնում է Աստվածաշունչը եւ սկսում ընթերցել բարձրաձայն:

**Սաթենիկ.**

«Եվ ահա այն աստղը, որը տեսել էին արեւելքում, առաջնորդեց նրանց, մինչեւ որ եկավ ու կանգ առավ այն տեղի վրա, ուր մանուկն էր: Աստղը տեսելուն պես՝ չափազանց մեծ ուրախություն ապրեցին»:

Աղջիկը ուրախ-ուրախ վազում է դեպի հյուրասենյակ՝ Հիսուս մանկան արձանիկի մոտ, բայց տան դուռը հանկարծ բացվում է եւ ուրախ-ուրախ գրուցելով, թեւանցուկ ներս են մտնում ծնողները՝ ձեռքներին մթերքի տոպրակներ: Սաթենիկը զարմանքից քար է կտրում եւ ապշած նայում է ծնողներին, որոնք հասկանում են նրա ուրախութեան պատճառը եւ մեղմ ժպտալով՝ գրկում են Սաթենիկին:

**Մայրը.**

-Արի՛ աղջիկս, օգնի՛ր մեզ սեղանը պատրաստել Սուրբ Ծննդյան տոնի համար: Մենք այսօր չա՛տ գեղեցիկ սեղան ենք պատրաստելու եւ շատ ուրախանալու ենք: Ես լիահոյս եմ, որ այս եկող տարին մեզ համար ավելի լավն է լինելու, այսօր ես ու հայրդ միասին աղոթել ենք այդ նպատակով: Աստված մեզ չի թողնի մենակ: Քո հավատն է, որ մեզ փրկում է ամեն անգամ:

Սաթենիկը, մոտենալով պատուհանագոգին դրված Հիսուս մանկան արձանիկին, համբուրում է այն եւ ասում է.

-Շնորհակալ եմ, իմ սիրելի՛ Հիսուս:

**Պատկեր 4**

**Նոր սկիզբ**

Սուրբ Ծննդյան տոնական փոքրիկ սեղանը պատրաստ է, Սաթենիկի ընտանիքը հյուրընկալում է ծնողների ընկերներին, Սաթենիկի դասընկերներին, ուրախ գրուցում են: Հիսուս մանկան արձանիկը դրված է տոնածառի տակ:

Սաթենիկը՝ շատ ուրախ եւ արագ այս ու այն կողմ թռչկոտելով:

-Համեցե՛ք, համեցե՛ք, մենք վաղուց սպասում ենք ձեզ, մաման ու պապան էլ տանն են, համեցե՛ք:

Մտնողները ուրախ են, բարեւում են Սաթենիկին, էդուարդին եւ էլիզաբին, հարցնում՝ ինչպե՞ս են եւ տեղավորվում են սեղանի շուրջ:

Սոնա՝ էդուարդի ընկերոջ կինը.

-Գիտե՞ք, Սուրբ Ծննդյան տոնն ինձ համար միշտ առանձնահատուկ նշանակություն ունի. ինչքան էլ զբաղված լինեմ, անպայման այսօր՝ նախօրեի երեկոյան, գնում եմ եկեղեցի եւ ներկա լինում Սուրբ Պատարագին: Ընտանիքով ենք գնում, ինչպես ամեն կիրակի: Ինձ համար Սուրբ Պատարագին մասնակցելը պարտադիր է, ուզում եմ երեխաներս էլ այդպես վարժվեն, որովհետեւ առանց Սուրբ Հաղորդության քրիստոնյայի կյանքը կիսատ է եւ անիմաստ: Ես չա՛տ հաճախ եմ նկատում Աստծո օրհնություններն իմ



ընտանիքում, երբ դժվարութիւններ ենք ունենում, ես միշտ աղոթում եմ, եւ Աստված ինձ լսում է:

**Աննա՝ էլիզայի ընկերուհին.**

-Մեր տանն այդ սովորութիւնը դեռ չունենք Սոնա ջան: Մենք հին՝ կոմունիստական դաստիարակութեամբ ընտանիքների սերունդ ենք, մեր մեջ փոքրուց ամեն ջան թափել են արմատախիլ անելու աղոթքի սովորութիւնը: Թեեւ տատս շատ էր աղոթում, եւ երբ փոքր էի, ինձ սովորեցնում էր աղոթել «Հայր Մերը, Ողջուն»-ը: Իսկ դպրոցում սովորեցնում էին, որ ամենաճիշտը բնական գիտութիւններն են, Չարլզ Դարվինի տեսութիւնը, թե մարդն առաջացել է կապիկից, եւ թե ոչ մի հրաշք էլ հնարավոր չէ, որ Աստված գոյութիւն չունի: Ի դեպ, էլիզա, դուք հավատում ե՞ք հրաշքների գոյութեանը:

**Արմինե՝ Աննայի դուստրը**

-Մայրի՛կ, ես հավատում եմ հրաշքների գոյութեանը, ես Սաթենիկի հետ միասին ամեն կիրակի եկեղեցում եմ, շատ եմ սիրում լսել Աստծո մասին եւ կարգալ Աստվածաշունչ: Ես հավատում եմ, որ Աստված միշտ կարող է հրաշքներ գործել, բայց նրանք, ովքեր չեն հավատում, չեն կարող այդ հրաշքները տեսնել:

**Աղջկա մայրը եւ հայրը ծիծաղում են:**

**Աննա.**

-Մեր երեխաները մեզնից ավելի հավատքով են, մենք երեւի դադարել ենք այլեւս հավատալ նման բաների, միգուցե, մեր հոգսե՛րը չեն թողնում մեզ հավատալ, ոչ թե մեր դաստիարակութիւնը: Ախր ինչպե՞ս գնամ եկեղեցի, ո՞վ պիտի անի իմ տան գործերը, ես մենք չաշխատենք, միթե՞ երկնքից կտրվի մեզ ուտելիք, կամ հագուստ:

**Արմինե.**

-Հիսուսը մեզ սովորեցնում է, որ չպետք է մտահոգվենք այն մասին, թե ինչ պիտի ուտենք, ինչ պիտի խմենք կամ ինչ պիտի հագնենք, որովհետեւ Աստված գիտի, թե մեզ ինչ է պետք՝ նախքան, որ մենք իրենից մի բան խնդրենք:

Մենք պետք է մտածենք ավելի կարեւոր բաների մասին, ինչպես օրինակ՝ Սուրբ Ծնունդը եւ Աստծո հրաշքները:

**Արմինեի հայրը.**

-Տեսնո՞ւմ եք, ինչ խելացի են մեր երեխաները, մեզանից արդեն բան դուրս չի գա, այնքան ենք տարված մեր չեղած աշխատանքով, մեր աւօրյայով, որ մոռացել ենք ամեն ինչ՝ Աստծուն էլ, եկեղեցին էլ, Սուրբ Ծնունդն էլ: Ես միշտ ասել եմ՝ մեր երեխաները կփոխեն մեր երկրի ապագան, այս երեխաների մեջ հույս ու հավատք կա:

**Արմինե.**

-Պա՛պ, մենք ձեզանից ենք սովորում, դուք էլ իրականում ձեր սրտի խորքում հավատում եք հրաշքներին, ուղղակի ամաչում եք բարձրաձայն ասել այդ մասին: Իսկ մենք չենք ամաչում:

**էդուա՛րդ.**

-Երեւի, մենք մի քիչ էլ ամաչում ենք անկեղծ լինել միմյանց հետ, մենք սովորել ենք մեզ չընկալաւոր աշխարհի կեղծիքին եւ գորշ գույներին, մեր հոգսերը մեզ կուլ են տվել, մենք թույլ ենք տալիս, որ աշխարհը մեզ կուլ տա, մի գուցե, մեր երեխաները մեզնից ավելի ուժե՞ղ են եւ կարող են ապրել ավելի համարձակ:

**Մայրը՝ էլիզան՝ դիմելով բոլորին**

-Գիտե՞ք, ես մի հրաշք եմ ուզում պատմել. էդուարդին այսօր առաջարկել են նվագել սիմֆոնիկ նվագախումբում: Ճիշտ է՝ աշխատավարձը շատ բարձր չէ, բայց կայուն է եւ աշխատանքային զարգացման մեծ հեռանկար կա, ճի՞շտ է, էդուա՛րդ:

**էդուարդ.**

-Այո՛, էլիզա, դու շատ ճիշտ ասացիր, սա մի իրական հրաշք է, անհավատալի մի բան՝ այսքան երկար ժամանակ նորմալ աշխատանք փնտրելուց հետո: Ինձ համար էլ հաճելի է նվագել ավելի մեծաթիվ եւ կիրթ հանդիսատեսի առջեւ: Սաթենիկս դու ուրա՞խ ես:

**Սաթենիկ.**





-Այո՛, իհարկէ, պա՛պ, եթէ դա քեզ համար լավ է, առողջութեանդ չի վնասի եւ հանգիստ կլինես, իհարկէ, ուրախ եմ: Մայրի՛կ, այդպես, ավելի լավ է, չէ՞:

էլիզա.

-Իհարկէ, անուշիկս, գոնե քեզ համար մյուս Սուրբ Ծննդեան համար կկարողանք մի փոքրիկ նվեր պատրաստել:

Սաթենիկ.

-Իմ ամենաթանկարժեք նվերը ձեզ ժպտալով տեսնելն է, մայրիկ, ինձ ոչ մի ուրիշ բան հարկավոր չէ: Ինձ համար Հիսուս մանուկն այս տարի մի գեղեցիկ հրաշք գործեց, սա՛ է իմ Սուրբ Ծննդեան հրաշքը:

Սաթենիկն իր հայացքը քնքշութեամբ դարձրեց դեպի Հիսուս Մանկան արձանիկը, իսկ հայրիկը ձեռքն առավ իր հին ջութակը սկսեց նվագել «Լուռ գիշեր, սուրբ գիշեր» ստեղծագործությունը եւ միասին սկսում երգել: Միացնում ենք ձայնագրությունը:

**Վերջ**

Սցենարի հեղինակներ՝  
Վեներա Պետրոսյան,  
Տ. Հովսեփ Քհն. Գալստյան,  
2019թ.

**Բարեգործական տոնավաճառ,  
Սուրբ Նիկողայոսի նվերները**

Բավրայի հայ կաթողիկէ երիտասարդական միութեան հետ միասին դեկտեմբերի 28-ի երեկոյան բարեգործական արշավ եւ տոնավաճառ կազմակերպեցինք գյուղի խանութի դիմաց: Երիտասարդները խանութի հաճախորդներից գումար կամ սնունդ էին խնդրում՝ անապահով ընտանիքներին օգնելու համար, նաեւ վաճառում կամ նվիրատվութեան դիմաց նվիրում էին իրենց ձեռքով պատրաստած տոնակաս սեղանի եւ տոնածառի զարդարանքներ: Բարյացակամ հաճախորդները ստանում էին նաեւ քահանայիս օրհնութեան աղոթքը: Թեեւ ցուրտ էր, բայց խարուկը եւ եղբայրասիրութեանը ջերմացնում էին մեր սրտերը: Երիտասարդների ջանքերով եւ



մարդկանց բարեսրտութեան շնորհիվ մի փոքրիկ գումար հավաքվեց, որով գեղեցիկ խաղալիքներ գնեցինք անապահով երեք ընտանիքների երեխաների համար:

Դեկտեմբերի 31-ին երիտասարդների հետ մի փոքրիկ թափոր կազմակերպեցինք գյուղում՝ աղոթքով, երգեցողութեամբ, Սուրբ Նիկողայոսի (Santa Claus) հագուստներով եւ նվերներով



այցելեցինք մեր ընտրած երեք ընտանիքներին, բաժանեցինք երեխաներին, որ շատ ուրախացան եւ զարմացան՝ տեսնելով իրենց քահանային եւ երիտասարդներից մեկին՝ Սուրբ Նիկողայոսի գլխարկով եւ հագուստով: Նաեւ կատարեցինք տնօրհնեքի կարգ, երգեցինք «Սորհուրդ մեծ» շարականը եւ շնորհավորեցինք Սուրբ Ծննդեան եւ Ամանորի տոները:

Տ. Հովսեփ Գալստյան



### Տեառնընդառաջ. միասին մոտենա՛նք Տիրոջը



Փետրվարի 2-ին Հայ Կաթողիկէ Եկեղեցին տոնում է Տեառնընդառաջի տոնը՝ քառասնօրյա Հիսուս Մանկան՝ տաճարին ընծայաբերման տոնը: Հայ Կաթողիկէ Եկեղեցին Հիսուսի քառասուն օրերը հաշվում է դեկտեմբերի 25-ից՝ Հիսուսի Սուրբ Ծնունդից, այդ պատճառով էլ Տեառնընդառաջը տոնում է փետրվարի 2-ին:

Տեառնընդառաջի տոնական Սուրբ Պատարագը մատուցվեց Սուրբ Նշան եկեղեցում սովորականի նման՝ ժամը 12:00-ին՝ ձեռամբ Տ. Հովսեփ Քհն. Գալստյանի: Նա իր քարոզում ասաց հետևյալը.

#### Քարոզ

«Այսօր անըսկզբնական ծնունդ հայրական ծոցի Բանն եկառրեալ ի տաճարն. ընծայէ զարարածս Հօր ի յերկինս... Այսօր եւ մեք հաւատացեալքս ընդ ծերունւոյն Սիմէոնի. ըզԲանն համագոյ Հօր եւ Սուրբ Հոգւոյն օրհնաբանեսցու՛ք».

Տեառնընդառաջ, Գիշերային ժամերգություն,  
«Օրհնութեան ԴՁ» շարական

Սիրելիներ՛ր, այսօր հայ շարականագիրը յուրաքանչյուրիս հրավիրում է Սիմեոն ծերունու հետ միասին օրհնաբանել Հիսուս Մանկանը, որ Աստծո խոսքն է՝ մարդկային մարմին առած եւ հայրական ծոցից անսկզբնապես ծնված, որ եկել է տաճար Ինքն Իրեն եւ իր հետ միասին մեզ բոլորիս եւ Աստծո ստեղծած բոլոր


արարածներին ընծայելու Երկնավոր Հօրը: Քառասնօրյա Հիսուս Մանուկն իր ծնողների եւ Սիմեոն ծերունու ձեռքերով ընծայվեց Հայր Աստծուն, որպես սուրբ զոհ, անդրանիկ ծնունդ, ըստ Աստծո Օրենքի, որպեսզի Ինքն էլ իր սրբազան ժամին իր սուրբ զոհաբերութեամբ ամբողջ մարդկությունը բարձրացնի դեպի Երկինք: Ծարականի այս տողերը մեզ հրավիրում են անդրադառնալ փրկագործութեան խորհրդին, որը նպատակն է Հիսուս Մանկան Հայտնութեան եւ Աստծո տաճար մտնելուն: Նա, որպես ընծայաբերվող անդրանիկ զավակ, կոչվեց «սուրբ», ըստ Գաբրիել հրեշտակապետի ավետման եւ, որպես պարտադիր ընծա, մատուցվեց Տիրոջը, որպեսզի մեզ դարձնի իր եղբայրներն ու քույրերը, լինի անդրանիկը՝ Իր շնորհիվ փրկված եղբայրների մեջ, ըստ Սուրբ Գրքի:

Որպեսզի յուրաքանչյուր մարդ արարած ճշմարտապես դառնա եղբայրը Քրիստոսի, կարիքն ունի Սիմեոն ծերունու նման այսօր եւ միշտ աննկարագրելի կարոտով, փափագով եւ սիրով սպասելու Հիսուս Մանկան հետ հանդիպմանը եւ իր գիրկը լայնորեն բացելու՝ Հիսուս մանկան առջեւ, գրկելու նրան անհուն կարոտով եւ քնքշութեամբ եւ Սիմեոն ծերունու նման բացականչել. «Այժմ, ո՛վ Տեր, խաղաղութեամբ արձակիր քո ծառային, որովհետեւ աչքերս տեսան փրկութիւնը քո»: Անսասման բերկրանք եւ ներքին ցնծություն ապրեց այս ծերունին, որ Խորայելի ամբողջ ժողովրդի եւ աշխարհի բոլոր ժողովուրդների հավաքական կերպարն է՝ իր ալեհեր կյանքի ճանապարհով, որ խորհրդանշում է ամբողջ մարդկութեան պատմությունը, իմաստուն մարդկութեան պատմությունը, որ ճանաչում է Արարչին եւ սպասում է փրկութեան, գիտակից, սխալների, մեղքերի միջով անցած, չարն ու բարին ճաշակած մարդկութեան պատմությունն է: Այդպիսի մարդկային պատմություն ունենք յուրաքանչյուրս, ովքեր կարոտով ենք սպասում Տեր Հիսուս Քրիստոսի հետ հանդիպման, մանավանդ, Սուրբ Հաղորդութեան մեջ, Տիրոջ Ձոհաբերութեան Սուրբ ժամին, երբ բոլորս Հիսուսի հետ միասին դառնում ենք մի սուրբ ընծա եւ այդպես նվիրաբերվում Տիրոջը: Սա՛ է



նշանակում գնալ Տիրոջն ընդառաջ եւ բարձրացվել Երկինք:

Եկե՛ք այսօր Սիմեոն ծերունու նման գրկենք Հիսուս Մանկանը եւ մեր ձեռքերում զգանք նրա ջերմութիւնը, որ աստվածային սիրո ջերմութիւնն է, զգանք այդ սուրբ Մանկան լույսը, որ թափանցում է մեր սրտերից ներս եւ լուսավորում մեր ամբողջ էութիւնը՝ սկսելով մեր տեսողութիւնից: Այդ լույսը սրբում է մեր ամբողջ էութիւնը, եթե զղջում ենք եւ պատրաստ ենք ապաշխարութեան, ապա այդ լույսը սրբագործում է մեր անցյալը, մեղքի ու Աստծո հանդէպ անտարբերութեան մեր անձնական եւ հավաքական պատմութիւնը, որ ինքներս ենք գրել՝ չարի թելադրանքով»:



Նույն օրը՝ երեկոյան 18:00-ին, համայնքային կենտրոնի մոտ կատարվեց Տիրոջ լույսը խորհրդանշող խարուկը վառելու եւ Անդաստանօրհնեքի արարողութիւնները: Քահանան պրհնեց աշխարհի չորս կողմերը, գյուղը, դաշտերը, հավատացյալներին, ըստ կարգի:

«Աստծո Խոսքի կիրակին»

Քեզ չափազանց մոտիկ է այդ խոսքը: Քո բերանում եւ քո սրտում է, եւ քեզանից է կախված դա կատարելը»: Բ Օր. 30, 11-14:



Հունվարի 26-ին Բավրայում տոնեցինք «Աստծո Խոսքի կիրակին», որ հաստատվել է Նորին Սրբութիւն Ֆրանցիսկոս Սրբազան Քահանայապետի նախաձեռնութեամբ՝ «Aperuit illis»՝ «Նա բացում է», վերտառութեամբ նամակով, 2019թ. սեպտեմբերի 30-ին: Սուրբ Պատարագը մատուցվեց Աստծո Խոսքի տարածման դիտավորութեամբ, խոսեցինք Աստծո Խոսքի մասին եւ Աստվածաշունչ ընթերցելու կարեւորութեան մասին՝ հավատացյալներին կոչ անելով ամեն օր ընթերցել Սուրբ Գիրք եւ աղոթել՝ Սուրբ Գրքի տողերի շուրջ խորհրդածելով: Սուրբ Պատարագներից հետո նաեւ միասնական հատուկ աղոթք բարձրացրեցինք առ Աստված՝ Աստծո Խոսքի տարածման համար: Երիտասարդների եւ պատանիների հետ հանդիպումների ժամանակ նրանց ուշադրութիւնը հրավիրեցինք Աստվածաշնչի վրա եւ կազմակերպեցինք Ավետարանի հատվածի քննարկում:



**Քարոզ**

Այս կիրակին Նորին Սրբութիւնն Ֆրանցիսկոս Քահանայապետի կողմից Կաթողիկէ Եկեղեցում հուշակվել է որպէս «Աստծո խոսքի կիրակի»: Նպատակը մեկն է՝ Աստծո ժողովրդի ուշադրութիւնը նորովի հրավիրել Աստծո խոսքի, հատկապէս, Աստվածաշնչի վրա: Այսօր Տիրոջ Ընդհանրական Եկեղեցին վերստին առիթ ունի նորովի գնահատելու այս մեծ հոգեւոր եւ բարոյական հարստութեան աղբուրը, որ մարդու համար կյանքի եւ փրկութեան միակ գրավականն է:

Հովհաննէսն իր ավետարանը սկսում է հետեւյալ տողերով: «Սկզբից էր Բանը եւ Բանն Աստծո մոտ էր եւ Բանն Աստված էր...ամեն ինչ նրանով եղավ եւ առանց նրա չեղավ ոչինչ, որ եղել է: Կյանքը նրանով էր եւ այդ կյանքը մարդկանց համար լույս էր», ՀվՏ. 1, 1-4: «Բան» գրաբարյան հայերենով նշանակում է՝ «խոսք», այսինքն՝ Աստծո խոսքը, որ Աստված ինքն է, եղավ եւ է սկիզբը կյանքի, «ամեն ինչ նրանով եղավ»: Ծննդոց գրքի սկզբում էլ կարդում ենք, որ Աստված աշխարհը ստեղծեց իր խոսքով: «Աստված ասաց. «Թող լույս լինի եւ լույս եղավ», Ծննդ. 1, 3: Սուրբ Գիրքը մեզ հայտնում է, որ Աստծո խոսքը արարող է, կյանքի սկիզբ է եւ լույս է: Աստծո խոսքն Աստծո իմաստութիւնն է եւ Աստծո խոսքը անձ է՝ Աստծո Որդին է՝ Սուրբ Երրորդութեան երկրորդ անձը, որի միջոցով ստեղծվեց աշխարհը եւ որի միջոցով Աստված ինքն իրեն հայտնեց եւ շարունակում է հայտնել մարդկութեանը:

Աստված, որ ամբողջովին լույս է եւ սեր, աշխարհը ստեղծեց սիրուց մղված եւ սիրո համար, որպէսզի ինքն իրեն եւ իր մեջ եղած ամբողջ գեղեցկութիւնն ու հարստութիւնը հայտնի աշխարհին եւ, հատկապէս, մարդուն, որին ստեղծեց իր պատկերով եւ նմանութեամբ: Եվ Աստված իր անսպառ հարստութիւնները մարդուն փոխանցեց իր խոսքով, որ իր Որդին է:

Առանկների գրքում Աստծո իմաստութիւնը խոսում է մեզ հետ. «Լավ է ինձ ստանալ, քան ոսկի եւ անգին քարեր...Ես գնում եմ արդարութեան ճանապարհներով... որ սիրելիներիս հարստութիւնը բաշխեմ եւ նրանց գանձարանները բարութեամբ լցնեմ: Որպէսզի պատմեմ ձեզ, թե ինչ է լինելու ամեն օր, եւ հիշեցնեմ, թե ինչ է եղել ի սկզբանէ: Տերն ինձ ստեղծեց իր ճանապարհի սկզբին՝ իր գործերի համար, հավիտենութիւնից էլ առաջ հաստատեց ինձ», Առ. 8, 19-23: Աստծո խոսքը կամ Աստծո Որդին աշխարհի սկզբից ի վեր իր անսպառ հարստութիւններն է բաշխում յուրաքանչյուր մարդ արարածի, ով ձգտում է հարստանալ իրենով, ով ձգտում է Աստծուն եւ աստվածային իմաստութեանը, որ ձգտում է ճանաչել Աստծուն եւ սիրել նրան, կատարել Աստծո կամքը: Աստծո Որդին է, որ սկզբից մեղքի մեջ ընկած մարդուն ցույց էր տալիս մեղքի փրկվելու ճանապարհը՝ Աստծո Օրենքի եւ մարդարեութիւնների միջոցով, որպէս Աստծո խոսք, որ ինքն իրեն հայտնում է ընտրյալ մարդարների միջոցով Աստծո ժողովրդին: Աստծո խոսքը եւ Աստծո հայտնութեան պատմութիւնը գրի առնվեց Աստվածաշնչի առաջին գրքերում, որ Հին Կտակարանի գրքերն են: Աստված իր իմաստութեամբ մշտապէս ուղեկցում էր իր մոլորյալ ժողովրդին, իմաստութիւն, որը նախապէս հայտնվեց ոչ թե որպէս անձ, այլ՝ մարդարների բերանով եւ նրանց գրվածքներով, որոնք հալածվեցին, անտեսվեցին, սպանվեցին: Բայց Աստված մնաց հավատարիմ իր սիրուն՝ դեպի անկյալ մարդ արարածը եւ ամբողջ արարչագործութիւնը: Նույնիսկ եթե մայրն իր գավակին մոռանա, Աստված մարդուն չի մոռանում երբեք, ինչպէս ասում է Սուրբ Գիրքը: Երբ ժամանակն իր լրումին հասավ,



Աստված իր իր Միածին Որդուն, որ իր իմաստութեամբն է, իր Խոսքը՝ Բանն Աստծո, ուղարկեց աշխարհ, որպեսզի ծնվեր որպես մարդ, մտներ մարդկային պատմութեան մեջ, մարդկային կենցաղի մեջ, լիներ ամեն ինչով մարդու նման՝ միայն առանց մեղքի, պարտութեան մատնելով սատանային՝ արդեն որպես մարդ արտասանելով Աստծո գրի առնված խոսքը. «Գրված է՝ քո Տեր Աստծուն չպիտի փորձես...գրված է՝ ոչ միայն հացով է ապրում մարդ, այլ՝ ամեն խոսքով Աստծո, որ դուրս է գալիս Աստծո բերանից», Մտթ. 4: Աստծո Խոսքը դարձավ մարդ եւ սկսեց ինքն իրեն, որ Աստծու իմաստութեամբն է, հայտնել մարդկային լեզվով՝ հիշեցնելով եւ իր մարդկային կյանքով արտահայտելով այն ճշմարտութեանները, որ նախապես Աստած հայտնել էր մարգարեների բերանով. Ինքն Աստծո Խոսքը եկավ մարդկանց մեջ՝ մարդկանց լեզվով մարդուն բացատրելու, փաստելու, որ հնարավոր է ապրել Աստծո Խոսքի համաձայն եւ կատարել Աստծո կամքը, որովհետեւ դա միա՛կ ճանապարհն է մարդկային կյանքի շարունակութեան եւ մահվանից փրկվելու, մեղքը հաղթահարելու: Երբ աշակերտները այսօրվա ավետարանական հատվածում Սամարիայում Հիսուսին առաջարկում են հաց ուտել, նա հրաժարվում է եւ պատասխանում. «Ես ունեմ ուտելու կերակուր, որ դուք չգիտեք...Իմ կերակուրն այն է, որ կատարեմ կամքը նրա, ով ինձ ուղարկել է եւ կատարեմ նրա գործը», Հվհ. 4, 31-34: Սա՛ է նշանակում ապրել Աստծո Խոսքով, սնվել Աստծո Խոսքով, որովհետեւ Աստծո կամքը կատարե՛լն է այն հոգեւոր հացը, որը մարդու համար ապահովում է փրկութիւն մեղքից եւ մահվանից:

Հիսուս Քրիստոսը Աստծո Խոսքի հայտնութեանն է մարդկանց՝ որպես Անձ, Սուրբ Երրորդութեան Երկրորդ Անձը: Մարդիկ չհավատացին եւ չպահեցին Աստծո Խոսքը, որ ասվեց եւ գրի առնվեց մարգարեների միջոցով, ապա եկավ ժամանակը եւ Աստված իր Խոսքը հայտնեց որպես Անձ, որպես մարդ, որ խոսում է մարդկայնորեն, որ եղբայր է բոլոր մարդկանց, որ ընկերանում եւ ուղեկցում է բոլորին, բուժում է հիվանդներին, քարոզում է փրկութեան հնարավորութեանը՝ Բարի Լուրը, որ կոչում ենք Ավետարան եւ ի վերջո իր կյանքն է տալիս՝ որպես սերմ, ցորենի հատիկ, որից աճեց եւ հաստատվեց Սուրբ Եկեղեցին: Աստծո Խոսքը մարմին առավ Հիսուս Քրիստոսի Անձի մեջ եւ մեզ մատուցվեց ամենապարզ, հասկանալի կերպով, որպեսզի մենք հասկանանք, թե Աստված մեզ համար միշտ հասանելի է, մեզ համար ինքն իրեն պատրաստ է այդքա՛ն խոնարհեցնելու, պարզեցնելու, բացատրվելու, որպեսզի մենք իրեն հավատալով, իր Խոսքին հավատալով եւ այն պահելով՝ հասնենք փրկութեան եւ մասնակից լինենք իր Աստվածային կյանքին՝ նոր իրականութեան մեջ, որ կոչվում է Աստծո թագավորութեան:

Ուրեմն, Աստծո Խոսքը Հիսուս Քրիստոսն է, որի մասին կարդում ենք Աստվածաշնչի բոլոր գրքերում: Նրա մասին նախ կարդում ենք Հին Կտակարանի գրքերում՝ առանց անունը իմանալու, որպես Աստծո իմաստութեան, Աստծո խոսք, օրենք, Աստծո ընտրյալ, օծյալ, մեսսիա, փրկիչ, գառ, որ պիտի մորթվի բոլորի





փոխարեն, իսկ Նոր Կտակարանում Աստծո խոսքը հայտնվում է որպես Հիսուս Քրիստոսը, որ Աստծո մարդացյալ Որդին է՝ կատարյալ Աստված եւ կատարյալ մարդ՝ մեկ Անձի մեջ: Հիսուս Քրիստոսը եկավ մարդուն սովորեցնելու, թե ինչպես պետք է կատարել Աստծո կամքը եւ այդպիսով ընդունել հավիտենական կյանքը, սովորեցրեց նաեւ զոհաբերվել՝ հանուն Աստծո կամքի, նվիրել սեփական անձը, որպեսզի մեր միջոցով կատարվի Աստծո խոսքը եւ կամքը, ինքն իր մարդկային կյանքով դարձավ Աստծո խոսքի կատարման տեսանելի օրինակը եւ առաջինը՝ բազում հոգեւոր եղբայրների եւ քույրերի մեջ, որ կազմում են իր Սուրբ Եկեղեցին: Հետեւաբար, առանց իր օրինակին հետեւելու, առանց իրենից մշտապես սովորելու, մենք, որ իր եղբայրներն ու քույրերն ենք կոչված, չենք կարող հասկանալ Աստծո խոսքը եւ գործադրել այն՝ մեր փրկութեան համար:

Հիսուսին հասկանալու եւ նրանից սովորելու համար հարկավոր է մեզ համար նախ հարազատ դարձնել Աստվածաշունչը՝ մշտապես, ամեն օր ընթերցելով այն՝ աղոթքով եւ մեծ ուշադրութեամբ: Սուրբ Հերոնիմոսն ասում էր. «Զիմանալ Սուրբ Գիրքը՝ նշանակում է չիմանալ Քրիստոսին» (Սբ. Հերոնիմոս, Եսայու գրքի մեկնություն, նախաբան): Այս մասին մեզ հիշեցնում է նաեւ Յրանցիակոս Քահանայապետը իր «Նա բացեց»՝ *Aperuit illis* կոչվող կոնդակում, որով հաստատեց Աստծո խոսքին նվիրված կիրակին եւ մեզ հրավիրում է Սուրբ Գրքի յուրաքանչյուր գիրքը ընթերցել ներքին բացվածությամբ, Աստծո խոսքը որպես ճշմարիտ կերակուր ընդունելու հոգեւոր տրամադրութեամբ, որպեսզի Հիսուս մեզ համար բացի իր խոսքի իմաստներն ու անսպառ հարստությունները: Քահանայապետը մեզ հիշեցնում է Հայտնության գրքի տողերը (Հյտն. 3, 20), թե «Հիսուս կանգնած է դռան առջեւ եւ թակում է դուռը՝ Սուրբ Գրքի բառերով: Եթե մեկը լսի Նրա ձայնը եւ բացի դուռը, Նա կմտնի եւ կընթրի նրա հետ...Եթե մենք լսենք նրա ձայնը եւ բացենք մեր մտքի եւ սրտի դռները, Նա կմտնի եւ կմնա մեզ հետ ընդմիջ»:

Եթե մենք թույլ տանք Հիսուսին ուղեկցել մեզ միշտ, Նա մեզ կսովորեցնի ճիշտ հասկանալ

Աստծո խոսքը, որ գրված է Աստվածաշնչում եւ որ նաեւ մեզ է փոխանցվել Եկեղեցու Սուրբ Հայրերի միջոցով՝ Սրբազան Ավանդութեամբ: Հիսուս իր հարուստության հետո՝ հենց նույն օրը էմմավոս տանող ճանապարհին երեւաց երկու մարդկանց, ովքեր իրար հետ խոսում էին Հիսուսի խաչելության մասին, բայց չէին հասկացել, թե ինչ էր տեղի ունեցել: Եվ Հիսուս, անծանոթ մի մարդու տեսքով, ամբողջ ճանապարհին նրանց բացատրեց, թե ինչ էր իր մասին գրված Աստվածաշնչի մեջ՝ Մովսեսի գրքերում եւ մարգարեություններում եւ թե իր խաչելության մեջ կատարվեցին մարգարեությունները: Այս ամենը լսելով այդ մարդիկ Նրան խնդրեցին ընթրել իրենց հետ, եւ երբ Հիսուս սեղանի շուրջ հաց վերցրեց, օրհնեց ու կտրեց, նրանք հասկացան, որ Հիսուս ի՛նքն էր իրենց ուղեկիցը եւ հյուրը: Այստեղ ուշադրավ է, որ նրանք հացը կիսելիս հասկացան, թե Հիսուսն էր. մենք տեսնում ենք կապը Աստծո խոսքի եւ Սուրբ Հաղորդության միջեւ, որովհետեւ հացի օրհնության նույն տեսարանն ունենք նաեւ Վերջին Ընթրիքին, որով Հիսուս հաստատեց Սուրբ Հաղորդությանը եւ մեզ ավանդեց որպես իր Չոհաբերությունը մշտապես վերապրելու, իր հետ միանալու եւ Աստծո մարմնացյալ խոսքով կերակրվելու վսեմագույն եւ եզակի մի հնարավորություն եւ որից մենք միշտ կարող ենք օգտվել Սուրբ Պատարագի խորհրդակատարության ժամանակ: Սուրբ Պատարագին մենք Աստծո Կենդանի խոսքն ընդունում ենք նախ լսելով Սուրբ Ավետարանը եւ ապա ճաշակելով Տեր Հիսուս Քրիստոսի Սուրբ Մարմինն ու Արյունը, հաղորդվելով Նրա հետ: Այսպիսով մենք հասնում ենք մեր կոչմանը՝ ընդունել Աստծո խոսքը մեր մեջ եւ միանալ Աստծուն: Բայց Աստծո խոսքը եւ Սուրբ Պատարագը մեզ օգնում են նաեւ լինել միասնական եւ կայացնել Տիրոջ Սուրբ Եկեղեցին, որը կարեւոր բաղադրիչն է Աստծո հետ միութեան: Քահանայապետն իր նամակում գրում է.

«Կանոնավոր կերպով Սուրբ Գիրք ընթերցելը, Սուրբ Հաղորդություն ընդունելը մեզ համար հնարավոր են դարձնում ինքներս մեզ ընդունել որպես միմյանց անդամներ: Որպես քրիստոնյաներ, մենք մեկ ժողովուրդ ենք, որ



անցնում ենք մեր ուխտի ճանապարհը պատմութեան ընթացքում, եւ Տերը ներկա է մեր մեջ եւ սնում է մեզ», Aperuit illis:

Աստծո խոսքը իմանալը եւ մշտապես ուսումնասիրելը նաեւ մեր փրկութեան միակ ճանապարհն է եւ շատ կարեւոր է, որ մեր իմացածը, մեր հասկացածը կիսենք նաեւ ուրիշների հետ, Ավետարանացումը յուրաքանչյուր քրիստոնյայի պարտականութիւնն է, բարի լուրով հարկ է ուրախացնել եւ փրկութեան հնարավորութիւն տալ բոլորին:

Ինչպես լսեցինք այսօրվա ավետարանում, սամարացիները, որ նախապես այդ կնոջից լսել էին Հիսուսի մասին, ապա իրենք էին շփվել Նրա հետ, կնոջն ասում են.

«...մենք ինքներս լսեցինք եւ գիտենք, որ նա՛ է ճշմատապես փրկիչն աշխարհի», Հվհ. 4, 42:

Սուրբ Պողոսը իր սիրելի աշակերտ Տիմոթեոսին հիշեցնում է Աստվածաշնչի փրկարար գործութեան մասին. «...մանկուց գիտես Սուրբ Գրքերը, որոնք կարող են քեզ իմաստուն դարձնել՝ փրկութեան համար, այն հավատի միջոցով, որ Քրիստոս Հիսուսով է: Սուրբ Գրքի ամեն մի գիրք աստվածաշունչ է եւ օգտակար՝ ուսուցանելու, հանդիմանելու, ուղղելու եւ արդարութեան մեջ խրատելու համար, որպէսզի Աստծու մարդը լինի կատարյալ եւ պատրաստ՝ ամեն տեսակ բարի գործերի», Ա Տիմ. 3, 16:

Աստծո խոսքը ունի կենդանի ներգործութիւն՝ նրա մեջ, ով լսում է սրտի եւ մտքի բացվածութեամբ, նախապես զղջման ճանապարհ անցնելով, որպէս մաքուր եւ պարարտ հող, որ պատրաստ է ընդունելու խոսքի սերմ եւ ծլարձակելու: Աստծո խոսքը մեռած տառ չէ, այլ կենդանի է եւ կյանք է տալիս մարդու հոգուն, սկսում է ներսից սրբացնել նրան, մղել դեպի Աստված, սեր է բորբոքում Աստծո եւ սրբութեան հանդէպ եւ մարքում մարդու ներսի պղծութիւնները, մեղքերը, զորացնում է կամքը եւ կառուցում «ներքին մարդուն», ճիշտ ինչպէս կառուցեց աշխարհը եւ ստեղծեց մարդուն: Եվ Աստծո խոսքը չլսելու եւ չկատարելու համար մարդը ոչ մի արդարացում չի կարող ունենալ:

Մովսեսն իր վերջին պատգամում խրայեւիցներին ասաց հետեւյալը.

«Այն պատվիրանները, որոնք ես այսօր հաղորդում եմ քեզ, ո՛չ դժվար են, ո՛չ էլ քեզ անմատչելի: Դրանք ոչ երկնքում են, որ ասես. «Մեզնից ո՞վ կելնի երկինք, որ վերցնի դրանք, որ լսենք եւ կատարենք», ոչ էլ ծովի մյուս ափին, որ ասես. «Ո՞վ պիտի անցնի ծովի մյուս կողմը, որ մեզ համար վերցնի դրանք, մեզ համար կարգա եւ մենք կատարենք»:

Քեզ չափազանց մոտիկ է այդ խոսքը. քո բերանում եւ քո սրտում է, եւ քեզանից է կախված դա կատարելը». Բ Օր. 30, 11-14: Ամեն»:



**Աղոթք՝ Աստծո խոսքի տարածման համար**

Սիրելի՛ Հիսուս, քո Սուրբ Հաղորդութեան եւ Սուրբ Ավետարանիդ առջեւ ծոնկի ենք եկել՝ միասնաբար աղոթելու Աստծո խոսքի առավել տարածման եւ Ավետարանիդ՝ մինչեւ աշխարհի ծայրերը քարոզութեան համար, քո սուրբ պատվիրանիդ համաձայն:

Տու՛ր մեզ շնորհդ՝ առավել շատ սիրելու Աստվածային խոսքը, գերիմաստութիւնդ, յուրաքանչյուր բառդ, որ ներշնչել ես գրել Աստվածաշունչ մատյանի էջերում:

Տու՛ր մեզ աստվածային շնորհդ՝ առավել խորութեամբ հասկանալու իմաստը աստվածային



խոսքերիդ, անհատնում հարստութիւնները յուրաքանչյուր աստվածաշունչ բառիդ եւ գրքիդ:

Տու՛ր մեզ աստվածային շնորհդ՝ մեր սրտերում զարգացնելու կամք եւ կարգապահութիւն՝ ամեն օր ընթերցելու Աստվածաշունչը, մանավանդ, Քո Սուրբ Ավետարանները, ընթերցելու աղոթքով, բացված սրտերով, գղջացած հոգով եւ լուսավորվելու պատրաստ մտքերով՝ դառնալով պարարտ հող՝ քո խոսքի սերմն ընդունելու եւ պտղաբերելու ձգտումով:

Տու՛ր մեզ աստվածային շնորհդ՝ Աստվածաշունչը դարձնելու մեր ամենասիրելի գիրքը, մեր ամենաշատ ընթերցվող գիրքը, մեր ընտանիքների ամենաթանկարժեք գանձը, որից կախված է մեր կյանքը, մեր երջանկութիւնը, մեր խաղաղութիւնը, մեր փրկութիւնը չարի հարձակումներից, մեր բուժումները՝ ամեն տեսակ հոգեկան եւ մարմնավոր հիվանդութիւններից, հոսահատութիւններից եւ հոռետեսութիւններից:

Տու՛ր մեզ շնորհ՝ Քո Աստվածային Խոսքի մեջ գտնելու մեր կյանքի հույսը, ամենօրյա պայքարի համար ուժը, կենսախիղճ գույները՝ կենցաղի միօրինակ գորշութեան մեջ, ճշմարիտ ուղեցույցը՝ դժվարին իրավիճակներում, իմաստուն խորհուրդը, երբ ոչ ոք չկա, որ օգնի, ուղեկից եւ միշտ հավատարիմ ընկերը, որ երբեք չի դավաճանում եւ միշտ պատրաստ է ավելին անելու, եթե սիրենք իրեն եւ հաճախակի դիմենք իր օգնութեանը:

Սիրելի՛ Հիսուս, տու՛ր մեզ շնորհ՝ մշտապես փափազելու մասնակցել Քո Սուրբ Պատարագին եւ Սուրբ Հաղորդութեանդ երկրպագութեանը՝ գիտակցելով, որ Ավետարանը, որ ընթերցվում է, Դու ես՝ կենարար Խոսքդ, Պատարագիչը Դու ես՝ ինքնագոհաբերվող Արարիչ Խոսքդ, Պատարագվողը Դու ես՝ Աստծո մարմնացյալ Խոսքդ, Պատարագը Դու ես՝ Քո Սուրբ Մարմնով եւ Արյամբ, Աստվածային Անձովդ եւ մարդացյալ Խոսքովդ: Տու՛ր շնորհ՝ հասկանալու, որ մեզ որպէս սրբարար կերակուր մատուցվողը Դու ես՝ մեր փրկութեան համար եւ մեզ Քո Խոսքով միավորողը, Քո Սուրբ Հաղորդութեամբ մեզ մեկ հաց մեկ մարմին դարձնողը Դու ես՝ մեզ հետ հաղորդվող իմաստութիւնը:

Սիրելի՛ Փրկիչ, վերջապէս տու՛ր մեզ շնորհ՝ Քո Աստվածային Խոսքիդ հանդեպ մեր սերը եւ մեր տկար գիտելիքները, որ քաղում ենք Աստվածաշնչի աղբյուրից, կիսելու մեր եղբայրների եւ քույրերի հետ, ինչպէս դու ես կիսում Քո Սուրբ Մարմինն ու Արյունը բոլորի հետ, ովքեր գալիս են դեպի Քեզ:

Ո՛վ Մայր Աստվածային Խոսքի, քո մայրական քնքշութեամբ եւ խոհեմութեամբ սովորեցրու՛ մեզ ընդունել ու վստահել Քո Սուրբ Որդու խոսքին եւ խոստումներին, ինչպէս Դու վստահեցիր. Ամեն:

S. Հովսեփ Գալստյան

**«Փոփոխութեան առաջամարտիկները».**

**Բավրայի երիտասարդները մասնակցեցին Աշոցքի երիտասարդների համար կազմակերպված 2-րդ սեմինարին**

2020թ. հունվարի 27-ին Գյումրիի Լոֆթ մշակութային-ժամանցային կենտրոնում կազմակերպեցինք 2-րդ սեմինարը՝ Աշոցքի հայ կաթողիկէ չորս համայնքների՝ Մեծ Սեպասարի, Բավրայի, Ղազանչիի եւ Սիգավետի 35 պատանիների եւ երիտասարդների համար: Որպէս սեմինարի խորագիր ընտրեցինք «Երիտասարդները՝ փոփոխութիւնների առաջամարտիկներ», որը տրամաբանական շարունակութիւնն է նախորդ սեմինարի, որ





կոչվում էր «Երիտասարդները՝ հույսի առաջամարտիկներ»: Սեմինարի կազմակերպման նպատակը երիտասարդներին օգնելն է՝ լինելու իրենց համայնքներում դրական փոփոխությունների նախաձեռնողներ, գաղափարներ գեներացնողներ, խնդիրների լուծումների նոր ճանապարհների որոնողներ, նոր զարգացողական ծրագրեր մշակողներ եւ իրականացնողներ՝ ամենատարբեր ոլորտներում՝ առաջնորդվելով Ավետարանի սկզբունքներով եւ հավատքով:

Սեմինարը վարելու համար հրավիրել էինք նաեւ Քրիստինե Մխիթարյանին, որ երիտասարդների հետ աշխատանքի մեծ փորձ ունի եւ Հայկական Կարիտասի «Ծխական հասարակական խորհուրդներ», «Շահերի պաշտպանութուն» ծրագրերի ղեկավարն է:

Նախ այս սեմինարների կազմակերպման իմ տեսլականի եւ հետագա անելիքների մասին խոսեցի հետեւյալը:

«Սիրելիներ՛ր, այս երկրորդ սեմինարը շարունակում է նախորդի թեման: Տրամաբանութունն հետեւյալն է. դուք կոչված եք լինելու եւ արդեն իսկ հանդիսանում եք Եկեղեցու եւ ձեր համայնքի հույսը, եւ որպէս այդպիսին, կոչված եք լինելու եւ արդեն իսկ սկսել եք լինել Եկեղեցում եւ համայնքում դրական փոփոխությունների կրողները կամ առաջամարտիկները: Նախ ի՞նչ է նշանակում այս բառը՝ «առաջամարտիկներ»: առաջամարտիկներն այն գինիվորներն են, ովքեր մարտի դաշտում գնում են զորքի առջեւից եւ, ըստ էութեան, առաջնորդում են բանակը: Դուք պետք է լինեք այդպիսի գինիվորների նման՝ որպէս կենդանի հույս Եկեղեցու համար եւ համայնքի համար, ինչպէս որ ձեր ընտանիքների հույսն էք:

Նախորդ սեմինարի ժամանակ խոսեցինք ձեր մեջ թաքնված եւ արդեն իսկ դրսեւորվող հսկայական ներուժի, հավատքի, լավատեսութեան, ապագայի հանդեպ վստահութեան մասին: Այդ վստահությունը բխում է ձեր հավատքից, որ ապրում եք միասին՝ Տեր Հիսուս Քրիստոսի հետ միութեան մեջ, գործադրում եք մեր երիտասարդական միութեան տարատեսակ ձեռնարկներում:



Հավատքի կենդանի ապրումը, զարգացումը հնարավոր է՝ մշտապես պահելով երիտասարդական ավյունը, խանդավառությունը, նոր բարձունքներ նվաճելու կամքը, փափազը, ապագայի վառ երազանքները, գաղափարներ, որոնք թվում են շատ դժվար իրագործելու համար, բայց շարունակ ոգեշնչում եւ կանչում են դեպի նոր նվաճումներ, զարգացում, կատարելագործում: Այս ամենը կախված է ձեզանից եւ ձեր առջեւում է, սպասում է ձեզ, թե երբ եք սկսելու ձեր պայքարը, թե երբ եք վճռականորեն մարտի բռնվելու ձեր իսկ թուլությունների դեմ, ձեր հուսահատությունների դեմ, ձեր եւ ձեր ծնողների, ընկերների անհույս վատատեսութեան դեմ, երբեմն նույնիսկ ոչինչ չանելու եւ ինքնահոսի մատնվելու վիճակի դեմ, որ համակում է շատ երիտասարդների եւ մեծահասակների: Դուք պետք է մարդկանց հույս ներշնչեք ձեր եռանդով եւ ձեր կոնկրետ գործերով, ծրագրերով, համայնքի կյանքում բերելով դրական փոփոխություններ, որոնք բոլորի համար անվիճելի են եւ հուսադրող, որոնք կարող են փաստել բոլորին, որ ամենամանհույս պայմաններում նույնիսկ հնարավոր է եւ պե՛տք է աշխատել՝ ելքեր գտնելու համար, եղածը ավելի լավը դարձնելու, կատարելագործելու համար, Աստծո առաջ ամեն ժամ ավելին լինելու համար, ավելի հոգեւոր, ավելի սուրբ, ավելի արդար լինելու համար, ավելի կիրթ եւ բարձրաճաշակ լինելու համար, ավելի բարեկեցիկ ապրելու համար:



Ուրեմն, փոփոխությունների սկիզբը ձեր մեջ եղած հուշան է, որ հիմնված է ձեր հավատքի եւ Աստծո հանդէպ ձեր սիրո վրա: Պետրոս առաքյալն իր նամակում ասում է հետեւյալը.

«Մշտապես պատրաստ եղեք պատասխան տալու ամեն մարդու, որ կհարցնի ձեր մեջ եղած հուշի մասին», Ա Պտ. 3, 15:

Հուշի մասին պատասխան տալ պետք է մեր հավատքի եւ սիրո վկայութեամբ, որ պետք է արտահայտվի մեր գործերով: Այդ գործերը պարտադիր չէ, որ լինեն մեծ ծրագրեր, այլ պետք է սկսվեն փոքրիկ քայլերից, որոնք սակայն, արվում են մեծ սիրով, ինչպես ասում է Սբ. Մայր Թերեզան: Միայն մեկ կարեւոր բան կա. այդ փոքրիկ քայլերը պետք է լինեն անընդհատ եւ միշտ առավել շատ, որակապես առավել բարձր:

Եթե հիշում եք, այս տարեգրի հանդիպման ժամանակ ես ասացի, որ այս տարի ավելի շատ բան ենք անելու, քան՝ նախորդ տարի եւ մեր միութեան թերթը առավել շատ բան պետք է պատմի համայնքին ձեր մասին: Այդ քայլերը պետք է անենք միասին, եւ հարկ է, որ ձեզանից յուրաքանչյուրը հանդես գա նոր գաղափարներով, որոնք կարող են վերաբերել եւ՛ եղած քայլերը ավելի լավ դարձնելուն եւ՛ նոր քայլեր անելուն, ծրագրեր կազմելուն եւ իրականացնելուն, անկախ նրանից՝ այդ ծրագրերն իրականացնելու հնարավորություններն այս պահին կան, թե ոչ: Պետք է յուրաքանչյուրը ինքներդ ձեզ

պատկերացնեք որպես անընդհատ ստեղծագործող եւ երբեք կանգ չառնող ստեղծարարներ, գյուտարարներ, արվեստագետներ, ճարտարագետներ՝ բայց ոչ նեղ մասնագիտական իմաստով: Յուրաքանչյուրը պետք է լինեք գաղափարներ ծնող եւ զարգացնող պարարտ հող, որոնց մեջ կա կյանք եւ այն միշտ խոստանում է աճել, զարգանալ՝ ճիշտ Երկնքի Արքայութեան սերմի նման, որն ինչպես Հիսուս ասում է, սկզբում մանանեխի հատիկի չափ է, բայց երբ աճում է, դառնում է մի մեծ ծառ, որի ճյուղերին հանգստանում են թռչունները: այսպիսին պետք է լինի ձեր յուրաքանչյուր գաղափարը եւ ծրագիրը. նախ՝ փոքր կամ դեռեւս անորոշ, սաղմնային վիճակում, բայց երբ մտածեք յուրաքանչյուր քայլը, աշխատեք, փորձ ձեռք բերեք եւ, որ շատ կարեւոր է, աղոթեք այդ գաղափարների համար, դրանք կաճեն կդառնան իսկական ծառեր եւ շատերի համար կլինեն զարգացման, բարեկեցութեան, հոգեւոր մխիթարութեան հնարավորություններ:

Ես աղոթում եմ, որ դուք լինեք առավել ջերմեռանդ հավատքի մեջ եւ առավել ջանասեր ինքնուրույն նախաձեռնություններով հանդես





գալու եւ դրանք իրագործելու միջոցները գտնելու մեջ: Այսպիսի հանդիպումները ձեզ կօգնեն լինել ավելի նախաձեռնող եւ գտնել հնարավորութիւններ:

Դավիթ Թագավորը, որ նաեւ սաղմոսներ էր գրում, մի շատ ոգեւորիչ աղոթք ունի. «Տե՛ր, Քեզնո՛վ միայն զինված պիտի վագեմ եւ իմ Աստու շնորհիվ պիտի անցնեմ պարսպի վրայով», Բ Թգ., 22:30



Քրիստինե Մխիթարյանն իր կարեւոր նյութը երիտասարդներին ներկայացրեց հետաքրքիր բացատրութիւններով եւ քննարկումների միջոցով, լսելով երիտասարդների կարծիքները, նրանց առիթ տալով խորհրդածել սեփական կարողութիւնների, տաղանդների մասին, թե ինչպէս կարող են դրանք դրսեւորել եւ ինչպէս կարող են գաղափարներ հղանալ ու զարգացնել իրենց համայնքներում: Նա շեշտեց, որ յուրաքանչյուր անձ կարող է փոփոխութիւններ բերել իր իրականութեան մեջ՝ ջանալով ոչ թե նախ փոխել իրականութեան պայմանները, այլ՝ նախ սեփական անձը, հաղթահարել վախերը, թերահավատութիւնը, սահմանել նպատակներ, երազանքներ, ոգեշնչվել ու ջանք թափել դրանք իրականութիւն դարձնելու համար՝ չվախենալով միջոցների սահմանափակ լինելուց:

Նա առաջարկեց երիտասարդներին մտածել «աշխարհը փոխելու 6 քայլերի մասին», դրանք են՝ 1.ոգեշնչվել, 2.լինել տեղեկացված, 3.բացահայտել սեփական տաղանդները, ուժեղ կողմերը, 4.լինել խիզախ եւ գործել՝ մանրամասն ծրագրելով ամեն մի քայլ, 5. թույլ կողմերը

լրացնել ուրիշների օգնութեամբ, թիմային աշխատանքով, գտնել ճիշտ մարդկային ռեսուրսներ, 6.տոնել յուրաքանչյուր փոքր հաղթանակ՝ վստահ լինելով, որ կարողացար դրական փոփոխութիւն բերել:



Քրիստինեից հետո Բավրայի երիտասարդական միութեան անդամ Անդրանիկ Մարգարյանը, որ այս տարվա հունվարի 12-21-ը Հայկական Կարիտասի կողմից հրավիրվել էլ Ֆրանսիայում մասնակցելու համայնքներում սոցիալական ծրագրերի փորձի փոխանակման մի ծրագրի, պատմեց Ֆրանսիայում Կարիտասի ծրագրերի եւ գաղափարների մասին, որոնք կարող են երիտասարդներին օգնել զարգացնել իրենց գաղափարները տեղի համայնքներում:

Հանդիպումն ավարտվեց միասնական աղոթքով եւ թեման հետագա սեմինարներում զարգացնելու մասին քննարկումներով, գաղափարային նոր առաջարկներով:

Տ. Հովսեփ Գալստյան

**Բավրայի երիտասարդական միութեան գործունեութիւնը ներկայացվեց Ֆրանսիայում**

Բավրայի Հայ կաթողիկէ Եկեղեցու երիտասարդական միութեան անդամ Անդրանիկ Մարգարյանը, որպէս հասարակական եւ հոգեւոր ակտիվութիւն ունեցող երիտասարդ, Հայկական Կարիտասի հրավերով, այս տարվա հունվարի 12-23-ը, Հայկական Կարիտասի աշխատակիցների հետ միասին մասնակցեց Ֆրանսիական վեց քաղաքներում անցկացված համայնքային



զարգացման ոլորտում «Փորձի փոխանակման» հատուկ ծրագրին:

Անդրանիկը Բավրայի Հայ կաթողիկէ երիտասարդական միութեան անդամների հետ զրույցի ընթացքում պատմեց ծրագրի, իր տպավորությունների մասին, եւ թե ինչպես է պատրաստվում իր ձեռքբերված որոշակի փորձառությունը դնել ի նպաստ երիտասարդական միութեան եւ համայնքի առավել զարգացման:



Հայկական Կարիտասի խումբը ծրագրով այցելել է Փարիզ, Շարտր, Բլուա, Տիր եւ Օրլեան քաղաքները, որտեղ ծանոթացել են Փրանսիական Կարիտասի՝ Secours Catholique-ի մի քանի ծրագրերի, մասնավորապես երիտասարդների եւ կամավորականների ներգրավվածության մասով՝ փոխադարձաբար կիսվելով սեփական փորձառությամբ:

Անդրանիկ Մարգարյանը, մասնավորապես, ներկայացրել է Բավրայում Հայ կաթողիկէ երիտասարդական միութեան կամավորական գործունեությունը, բարեգործական ակցիաները, ինքնակազմակերպական մեթոդները եւ համայնքային զարգացմանը նպաստելու հնարավորությունները, որոնք երիտասարդները ջանում են զարգացնել գյուղի հոգեւոր հովվի հետ միասին: Անդրանիկը ներկայացրել է նաեւ Բավրայում Հայկական Կարիտասի իրականացրած ծրագրերը, հատկապես, «Միսական հասարակական խորհուրդները», որի շրջանակներում իր նախաձեռնություններով մշակվել եւ իրականացվում է պատանիների համար համակարգչային

գիտելիքների դասընթաց: Դասընթավարը Անդրանիկին է՝ կամավոր հիմունքներով: Ներկայացրել է նաեւ անգլերենի դասավանդման կազմակերպումը: Անդրանիկը ներկայացրել է, որ երիտասարդական միութեան գործունեություն եւ համայնքային զարգացման ծրագրերի հետագա ընդլայնումը հնարավոր է համարում՝ Ավետարանի եւ Եկեղեցու սոցիալական ուսմունքի սկզբունքների հիման վրա, երիտասարդների հավատքի եւ խանդավառության շնորհիվ:

Օրլեանում քաղաքային իշխանությունների ներկայացուցիչների հետ միասին քննարկվել են Ֆրանսիայի եւ Հայաստանի մշակութային որոշ առանձնահատկություններ, նմանություններն ու տարբերությունները, երկուստեք ներկայացվել են իրենց համայնքներում իրականացրած ծրագրերը: Հանդիպումների ընթացքում որոշվել է գտնել երկու երկրների երիտասարդական կազմակերպությունների միջեւ կապի ամրապնդման միջոցներ, վեր հանել հնարավոր խոչնդոտներն ու փորձել գտնել դրանց լուծումները:



Տուր քաղաքում Հայկական Կարիտասի խումբը հանդիպումներ է ունեցել Փրանսիացի կամավորականների հետ, որոնք հիմնականում եղել են տարեցներ: Հարցին, թե ինչու են երիտասարդ կամավորները քիչ, Փրանսիացի գործընկերները պարզաբանել են, որ երիտասարդների զբաղվածությունը խիտ է, այդ պատճառով էլ նրանց թիվը համեմատաբար սակավ է: Անդրանիկի համար հետաքրքիր



բացահայտում էր այն, որ Տուր քաղաքում կա «Կամավորականների ասոցիացիա», որտեղ կազմակերպութիւնները դիմում են կամավորներ գտնելու հարցով:

Այցելութիւններ են եղել նաեւ միայնակ կանանց հոգածութեան հաստատութիւններ, որտեղ Հայկական Կարիտասի խումբը ներկայացրել է Հայաստանի մասին: Հանդիպել են տեղի երիտասարդների հետ, որոնք մեծ մասամբ եղել են ներգաղթյալներ: Հանդիպումն անցել է շատ լավ, երիտասարդ կամավորները ցուցաբերել են մեծ ակտիվութիւն, սակայն Անդրանիկի տպավորութեամբ, նրանց դեռ չունեն հստակ գործունեութեան ծրագիր, եւ իրենց հանդիպումների հիմնական նպատակը դեռեւս ժամանցն է: Ներգաղթյալներին եւ Փրասիացի երիտասարդներին մեծապէս հետաքրքրել է հայ երիտասարդների նախաձեռնութիւնները ու միասնական կամավորական աշխատանքը: Անդրանիկը եւ խմբի մյուս անդամները կիսվել են իրենց փորձառութեամբ:

Գլխավոր սեմինարը անցկացվել է Բլուա քաղաքում: Խմբային աշխատանքի միջոցով երկուստեք ներկայացրել են իրենց համայնքներում իրականացրած ծրագրերը, իսկ հետագոտող խումբը արտահայտել է վերջնական կարծիքը՝ արդյունքում բարձր գնահատական տալով Հայաստանի Բավրա համայնքում իրականացված ծրագրերին՝ դրանք համարելով առավել հետաքրքիր եւ արդյունավետ:

Փարիզը եղել է խմբի ճամփորդութեան վերջին հանգրվանը: Այստեղ էլ հենց տեսել է այն, ինչն ամենաշատն է տպավորել Անդրանիկին:

«Տեսանք մի բան ինչը մեզ եւ ուրախացրեց եւ հաճելիորեն զարմացրեց: Լատինածես կաթողիկէ եկեղեցիներից մեկում կար այսպէս կոչված «Հայկական անկյուն», որը ստեղծվել էր Փրանսիայում բնակվող հայերի կողմից եւ պատմում էր հայերի եւ Հայաստանի մասին: Համոզվեցինք, որ աշխարհի ցանկացած անկյունում էլ կգտնես մի փոքրիկ Հայաստան:

Փարիզի դեպարտամենտում կատարվել է ծրագրի ընդհանուր քննարկում, որի ժամանակ հայ եւ Փրանսիացի կամավորականները փոխանակվել են

իրենց գաղափարներով ու փորձով, «խաղ մեթոդ»-ի միջոցով առանձնացրել իրենց համար փորձի փոխանակման այս ծրագրի կարեւորութիւնը, դժվարութիւնները եւ «ծարավը»՝ հույս հայտնելով, որ նմանատիպ ծրագրերը շարունակական բնույթ կկրեն:

Զրույցի վերջում Անդրանիկը հավելեց, որ այս ուղեւորութիւնը իր համար հրաշալի հնարավորութիւնն էր՝ նոր գաղափարներով զինվելու, իր մասնագիտական բնագավառում սոցիալական աշխատանքում, երեխաների հետ եւ երիտասարդական միութեան մեջ աշխատանքում քայլ առաջ կատարելու, նոր ծանոթութիւնների, եւ իր համար նոր մշակույթի բացահայտման համար՝ հուսալով, որ կրկին կունենա նմանատիպ միջոցառումների մասնակից դառնալու առիթ՝ արդեն Հայաստանում՝ «Ամառային ճամբար»-ի շրջանակներում, որը մի գեղեցիկ գաղափար է, որ մտադիր է զարգացնել Բավրայի հայ կաթողիկէ երիտասարդական միութեան, Հայկական Կարիտասի եւ Փրանսիացի գործընկերների հետ միասին:

Նիկոլ Մարգարյան

**Սուրբ Սարգսի տոնը եւ երիտասարդների աղոթքները**



Փետրվարի 8-ին Հայ Կաթողիկէ Եկեղեցին տոնեց Սուրբ Սարգսի հիշատակութեան տոնը: Փետրվարի 8-ին ձնաբքի պատճառով մեր նախատեսած երեկոյան աղոթքը չկարողացանք կատարել, փոխարենը մեր ծրագիրն իրականացրեցինք կիրակի՝ փետրվարի 9-ին: Սուրբ Պատարագից հետո երիտասարդների հետ



միասին խնդրեցինք Սուրբ Սարգիս զորավարի, նրա որդի Մարտիրոսի եւ տասնչորս զինակիցների բարեխոսութեանը, աղոթեցինք նաեւ աղոթքներ, որոնք երիտասարդներն իրենք էին գրել՝ իմ խնդրանքով: Ահա նրանց այնքան հուզիչ եւ գեղեցիկ աղոթքները:

**Անահիտ**

«Հա՛յր մեր, շնորհակալ եմ քեզանից ամեն վայրկյան՝ կյանքի, ամեն հաջողութեան ու ամեն փորձառութեան համար: Քո Սուրբ աջով թող աշխարհը ծածկվի խաղաղութեան հաստ շերտով, թող բոլոր մանուկների դեմքերին ժպիտ լինի, բոլոր մայրերի աչքերը չոր լինեն: Տե՛ր Աստված, անօթեւանին տու՛ն տուր, ծարավին ջուր տուր, հիվանդին՝ առողջութեան: Տե՛ր, օգնիր բոլորին իրենց երազանքներին ու նպատակներին հասնել: Մարդկանց սրտերը լցրո՛ւ սիրով ու վստահութեամբ միմյանց հանդեպ: Ու թող բոլորին ուժ ու զորութեան տվողը լինի նրանց անսահման հավատն առ Աստված: Ամեն»:

**Վեներա**

Տե՛ր իմ, օգնիր ինձ հասկանալ, որ Դու ես միակը կատարյալների մեջ, Դու ես ամենաբարձրն ու ամենակարողը, օգնիր հասկանալ, որ Դու ես ճշմարիտ Աստված, որ առանց Քեզ, առանց Քո օգնութեան ես ոչինչ եմ Ամրացրո՛ւ միտքս ու հոգիս, որ կարողանամ ճշմարիտ ուղղով հասնել Քեզ ու Երկնային արքայութեանը, օգնի՛ր, որ գերծ մնամ մեղքի եւ գայթակղութեան բոլոր առիթներից: Տեք, Քո առաջ ընկած աղաչում եմ Քեզ՝ ների՛ր հանցավորիս, քանզի անթիվ են մեղքերս, քանզի չկա ոչ ոք մեղավոր ինձ պես, ոչ ոք՝ ամբարիշտ, ոչ ոք՝ անօրեն, ես ինքս եմ միայն եւ ուրիշ ոչ ոք: Ո՛վ Ամենակալ, շնորհակալ եմ Քեզ, շնորհակալ եմ ամեն ապրած վայրկյանիս համար, շնորհակալ եմ, որ ինձ հետ ես եւ իմ կողքին ցանկացած պահի: Փա՛ռք Քեզ, Քո Որդուն եւ Սուրբ Հոգուն: Ամէն:

**Տիրուհի**

«Աստված իմ, երկրպագու՛մ եմ քեզ, շնորհակալ եմ քեզանից՝ այն բոլոր բարիքների համար, որ պարգեւել ես ինձ: Սիրու՛մ եմ քեզ ամբողջ սրտովս: Ցանկանում եմ եւ փորձում եմ մեղքի բոլոր առիթներից հեռու մնալ: Աստված իմ, խնդրո՛ւմ եմ քեզանից՝ ուժ կամքիս եւ լույս՝ մտքիս համար, որպեսզի անեմ այն, ինչ որ Քեզ է հաճելի եւ հեռու մնամ այն բաներից, որոնք կարող են Քեզ վշտացնել: Դու եղի՛ր իմ օրինակը, որպեսզի Քեզ հետեւելով լինեմ ազնիվ եւ բարի, աշխատասեր, ու մարդասեր: Ազատի՛ր ինձ չարից, անիրավ ու անօրեն մարդկանցից: Հեռու մի մնա ինձանից, Աստվա՛ծ իմ: Եվ շուտ օգնութեան հասի՛ր ինձ, երբ քո կարիքը շատ ունենամ: Ես հույսս չեմ կորցնի, քանզի միշտ Քո վրա է հույսս: Ամեն»:

**Ֆրիդա**

Երկրպագելի՛ եւ սիրելի՛ Հիսուս, ես քո կարիքը շատ ունեմ: Փա՛ռք քեզ, որ իմ եւ բոլորիս մեղքերի համար խաչվեցիր եւ մահացար: Ես խոստովանում եւ գղջում եմ իմ գործած բոլոր մեղքերի համար: Խնդրում եմ քեզ, որ ներես մեղավորիս եւ հեռու պահել դժոխքի կրակներից: Ես մասնավորապես պիտի ջանամ այսօր մեղքի մեջ չընկնել եւ հեռու մնալ վատ սովորութեաններից՝ մանավանդ այն, որը ինձ համար սովորութեան է դարձել: Եվ ինքս կփորձեմ այսօրվանից ուղղել ինձ: Աղոթում եմ Քեզ, Տե՛ր եւ խնդրում, որ խաղաղութեան լինի աշխարհում, առողջութեան տու՛ր բոլոր հիվանդ երեխաներին եւ ծերերին: Մխիթարի՛ր հուսահատ երիտասարդներին: Լուսավորիր եւ հանգստութեան պարգեւել՛ր հալածվող քրիստոնյաներին եւ թող Քո մշտնջենավոր լույսը ծագի նրանց վրա, ովքեր հանուն հայրենիքի եւ Քեզ զոհվեցին: Պահպանի՛ր քո սուրբ եւ պատվական խաչով սահմանին կանգնած մեր զինվորներին, պահպանի՛ր բոլորիս ընտանիքների երջանկությունը եւ համերաշխությունը: Ամեն:

**Տիրուհի**




Սրբուհի եւ կույս Աստվածածին Մարիա՛մ մայր բոլորիս եւ պաշտպան, ես ամենայն վստահութեամբ քո ողորմութեան գիրկն եմ դիմում: Բարեխոսի՛ր մեղավորներիս համար եւ մոլորութեանից դուրս հանի՛ր եւ ցույց տու՛ր ճիշտ ճանապարհը: Միխիթարի՛ր վշտացյալներին, նեղութեան պահերին պաշտպանի՛ր: Դեռ ոչ ոք չի եղել, որ խնդրի քո բարեխոսութեանը եւ նրա խնդրանքը լսելի չլինի: Ես էլ այդ վստահութեամբ քաջալերված՝ դիմում եմ քեզ, կույս Մարիա՛մ: Մի՛ անտեսիր աղաչանքս, լսի՛ր գթութեամբ եւ կատարիր: Ամեն:



**Վահան Տերյանին նվիրված ցերեկույթ**

Փետրվարի 9-ին, Սուրբ Պատարագից եւ աղոթքներից հետո երիտասարդական միութեան սրահում կազմակերպեցինք փոքրիկ գրական ցերեկույթ՝ նվիրված Վահան Տերյանին: Փետրվարի 9-ը Տերյանի ծննդյան օրն է, այս տարի լրաբնում է Տերյանի ծննդյան 135



ամյակը եւ մահվան 100 ամյա տարելիցը: Մեր մշակույթի ականավոր դեմքերին ճանաչելը եւ պատվելը երիտասարդների զարգացման, աշխարհայացքի եւ ճաշակի ձեւավորման կարեւոր գործոններից է, որ պետք է ընթանա հոգեւոր եւ հասարակական զարգացմանը զուգահեռ: Ուստի, երիտասարդական միութիւնը մտադիր է մշտապես կազմակերպել այսպիսի փոքրիկ գրական միջոցառումներ՝ աղոթքներից հետո:

Երիտասարդները՝ Տիրուհին, Ֆրիդան, Կատյան, Անահիտը, Վեներան եւ Սոսը, մեծ հուզականութեամբ ընթերցեցին Տերյանի բանաստեղծութիւնները, հատկապես, «Երկիր Նաիրի» շարքից, Տիրուհին ներկայացրեց նաեւ Տերյանի կենսագրութիւնը, ապա զրուցեցինք տաք թեյի, սուրճի եւ կարկանդակի սեղանի շուրջ:

Մի՞թե վերջին պոետն եմ ես,  
Վերջին երգիչն իմ երկրի,  
Մա՞հն է արդյոք, թե նի՞նջը քեզ  
Պատել, պայծառ Նաիրի:  
Վտարանդի, երկրում աղոտ,  
Լուսեղ, քեզ եմ երազում,  
Եվ հնչում է, որպես աղոթք  
Արքայական քո լեզուն:  
Հնչում է միշտ խոր ու պայծառ,  
Եվ խոցում է, եւ այրում,  
Արդյոք բոցե վարդե՞րդ են վառ,  
Թե՞ վերքերն իմ հրահրուն:  
Ահով ահա կանչում եմ քեզ  
Յուլա, ցնորք Նաիրի՛, —  
Մի՞թե վերջին պոետն եմ ես,  
Վերջին երգիչն իմ երկրի...  
Վ. Տերյան, 1913-1916:



«Կանթեղ» թերթը ներկայացնում է Բավրայի Հայ կաթողիկէ Երիտասարդական միութեան գործունեութիւնը, ինչպէս նաեւ այլ տարաբնույթ հոգեւոր նյութեր: Երիտասարդական միութիւնը, որպէս կանոնավոր գործունեութիւն իրականացնող կառույց, կազմավորվել է 2018թ. եւ արդյունքն է գյուղի Հայ կաթողիկէ հոգեւոր հովիի եւ Երիտասարդների միասնական ջանքերի. նպատակն է՝ ծառայել Տեր Հիսուս Քրիստոսի Կաթողիկէ՝ Ընդհանրական Սուրբ Եկեղեցուն եւ տեղի համայնքին, Հայ հասարակութեանը: Բավրայի Երիտասարդական միութիւնն անբաժանելի մասն է Հայ Կաթողիկէ Երիտասարդաց միութեան:

**Թերթի խմբագիր՝ Տ. Հովսեփ Քհն. Գալստյան**

**Թերթի կազմութեան աշխատանքին իրենց նպաստը բերեցին՝**

**Նիկոլ Մարգարյանը,**

**Անդրանիկ Մարգարյանը,**

**Անի Յուլիանը,**

**Հրանուշ Սարգսյանը**

**Հովանավորներ՝**

**Հայաստանի, Վրաստանի, Ռուսաստանի և Արևելյան Եվրոպայի Հայ Կաթողիկէ Առաջնորդարան,**

**Հայկական Կարիտաս**

**Աղոթքի եւ գործունեութեան միութեամբ՝ Հայ Կաթողիկէ Երիտասարդաց**

**միութեան հետ**

**Փետրվար, 2020թ.**

